



VISIT GREENLAND

Qaqortumi qanoq amerlatigisunik sullissisinnaanermik misissuineq 2026-2031



INNOVATION
SOUTH GREENLAND

Suleqatigalugu:



IMARISAI

1	Eqikkaaneq	3	6	Qaqortumi mittarfiup 2026-mi ammarneqarnissaa	14
1.1	Eqikkaaneq	3	6.1	Aasaanerani 2026-imiit pisinnaassuseq	14
2	Ilisarititsineq	4	6.2	Kujataani nunap immikkoortuanut qitiusoqarfik nutaaq	15
2.1	Anguniakkat periaaserlu	4	6.3	Timmisartumut billetsinut akít allanngortinneqarsinnaanerát,	
2.2	Killiliineq	4		ineriartorsinnaaneq	16
3	Inerniliineq	5	6.3.1	Nuup Qaqortullu akornanni angalanermut akinik	
4	Qaqortumi takornarianik qanoq amerlatigisunik sullissisnaanermik erseqqissaaneq	6		allannguiineq	17
4.1	Unnuiffissat amerlassusiat	6	7	Umiarsuakkut takornariaqarnerup sunniutaa	18
4.1.1	Kujataani ukiup ingerlanerani pisartut maluginiarnartut	7	8	Ilimagisnaasat pingasut	19
4.1.2	Kujataani Pisinnaassutsimik atuineq	7	9	Ilimagisaasunut pingasunut takussutissiat	20
4.2	Neriniarfissat amerlassusiat	8	9.1	Ilimagisaq A, ukiumut 5%-imik amerliartorneq 2026-2031	20
4.3	Angallassinerit/misigisassarsiortitsinerit amerlassusiat	9	9.2	Ilimagisaq B, ukiumut 10%-imik amerliartorneq 2026-2031	21
5	Jun-sep 2024-2025-mi angallassinerit ingerlanerat	10	9.3	Ilimagisaq C, ukiumut 15%-imik amerliartorneq 2026-2031	21
5.1	Timmisartukkuq/qulimiguullinnik angallassinerit ingerlanerat	11	10	Eqikkaaneq	22
5.2	Imaatigut angallassinerit ingerlanerat	11	10.1	Eqikkaaneq oqallissutissamillu saqqummiussineq	22
5.2.1	Disko Line	12			
5.2.2	Air Greenland	12			
5.2.3	Arctic Umiaq Line	12			
5.3	Jun-sep 2024-2025-mi imaatigut angallassinerit katillugit ingerlanerat	13			

1 Eqikkaaneq

Tunuliaqutaa:

Nuummi, Ilulissani Qaqortumilu mittarfinnik nutaanik pingasunik Kalaallit Nunaat aningaasaliissuteqarnerani, Kalaallit Nunaata tikinneqarsinnaanera annertusarneqarpoq, taamaalillutillu angalariaatsit allanngoriartorput. Taamaattumik qitiulluinnarpoq tikeraat amerliartuinnartut isumagisinnaanissaat aammalu nunatta pisinnaasaasa pitsaanerpaamik atorluarneqarnissaasa qulakkeernissaat, taamaalilluni takornariaqarnermik ineriartortitsineq nunarput tamakkerlugu iluaqutaassammat. Taamaattumik Visit Greenlandip illoqarfinni pingasuni ullumikkut pisinnaassuseqarnerup erseqqissarneqarnissaa suliniutigisimavaa, suliarlu nunap immikkoortuini takornariaqarnermut siunnersuisoqatigiit suleqatigalugit ingerlanneqarpoq.

1.1 Eqikkaaneq

Greenland Airportsip marsimi 2026-mi Qaqortumi mittarfik 1.499 miiterinik takissusilik ammarsinnaassallugu naatsorsuutigaa. Taanna tassaassaaq Qaqortup mittarfissaa siulleq, mannami tikillugu qulimiguulimmik taamaallaat miffiqineqarsinnaasimavoq. Qaqortumi mittarfik nutaaq Air Greenland aqqutigalugu Nuup Qaqortullu akornanni toqqaannartumik angallassisassaaq saniatigullu nunat tamalaat akornanni mittarfittut atuutissalluni, Reykjavíkumut/Reykjavíkimiit (Keflavík aqqusaarlugu) Icelandair aqqutigalugu toqqaannartumik timmisartuussisoqartassammat. Soorunami aamma siunissami timmisartuutileqatigiiffiit amerlanerusut Qaqortup mittarfianut timmisartuussisalersinnaalernissaat periarfissaassaaq.

Kujataani mittarfik Narsarsuarmiittoq heliportinggortinneqassaaq, maannalu Københavnip Narsarsuullu akornanni toqqaannartumik angallannerup matuneqarnissaa naatsorsuutigineqarpoq. Misissueqqissaarnermi aallaavigneqarpoq Qaqortumi mittarfissaaq ammarpat angalasut amerlassusissaat, minnerpaamik 2024-mi 2025-milu Kujataanut timmisartukkut angalasut amerlassusaannut naapertuunnissaat. Paasisutissat taakku pisimavagut.

Misissuinermi misissorneqarpoq Qaqortumi ullumikkut pisinnaassutsit aallaavigalugit, piffissami 2026-2031-mi naammattumik pisinnaassuseqartoqarsinnaanersoq. Ineriartornermi Ilimagisinnaasat pingasut tamarmik ukiumut agguaqatigiisillugu angalasartut amerlassusaat 5%-imut, 10%-imut aamma 15%-imut inissinneqarsimasut isiginiassagaanni, siniffissat amerlassusaannut tunngatillugu unnuiffissat amerlassusaat naammannerat nalilerneqarpoq. Kisianni erseqqissarneqartariaqarpoq pisinnaassutsit annerpaartaat unnusarfanni inini ataatsimoorussani imaluunniit ataatsimoorussanik atortulersuuteqartuniippat, taakkulu annerusumik angalasunut aningaasartuutissaminnik missingersuisartunut soqutiginarpuupput. Taamaattumik namminersortuni unnuiffissat aqqutigalugit pisinnaassuseq annertusarneqarsinnaavoq, aningaasaateqarnerusunut naleqqussarlugit, tamannami sumiiffimmi takornariaqarnermut aningaasarsiornikkut annertunerusumik naleqarnerulersitsisinaavoq.

Neriniartarfinnut aamma angalaartitsinerlut/misigisassarsiortitsinerlut pisinnaassutsinut pisariaqartitsineq naammassiniarlugu ingerlaavartumik annertusaanissaq pisariaqarpoq, tassa ukiumut 5%-imik, 10%-imik aamma 15%-imik ineriartortitsinissaq. Ullumikkut nioqqutissiorneq ullumikkut piumasaqaatinut naleqqussarneqarsimavoq, taamaalilluni ineriartornermut malinnaasinnaassagutta sulii annertusaaneq pisariaqartinneqarpoq. Kisianni Kalaallit Nunaanni illoqarfinni anginerusuni sulisussaaleqinermi pisinnaassutsimik annertusaanermut sunniuteqarsinnaavoq – pingaartumik neriniartarfinnut tunngatillugu.



2 Ilisarititsineq



2.1 Anguniakkat periaaserlu

Visit Greenlandip Qaqortumut pisinnaassutsimik misissuinerup uuma suliarineqarnissaanut aallarnisaasimavoq, Destination Management Organization (DMO) Innovation South Greenland suleqatigalugu. Siunertaavoq Unnuiffissat, Neriniarfissat aamma Angalaartitsinerit/Misigisassarsioritsinerit iluanni takornariaqarnermi pisinnaassuseq qaqugu naammakkunnaassanersoq misissorneqarnissaa.

Takornariat nunanit allaniit timmisartumik Qaqortumut tikittussat amerlassusaasa annertusiartornissaannut naatsorsuutit pingasuupput (appassissoq, akunnattoq aamma qaffassissoq). Ilimagisinnaasat taakku Qaqortumi mittarfiup nutaap ammarneqarnerata kingorna ukiuni siullerni tallimani unnuisarfinnut pioreersunut qanoq sunniuteqarumaarnersut misissorneqarpoq. Tamanna pingaartumik angallannermi unnuisarfinnilu pisinnaassuseqarnerit akornanni ataqatigiinnerup misissoqqissaarneqarneratigut ingerlanneqarpoq.

2.2 Killiliineq

Misissuinermi matumani takornariaqarneq eqqarsaatigalugu sammissassat taaneqareersut pingasut najoqqutarineqarput. Unnuisarfiit, neriniarfissat aamma angallassinerit/misigisassarsioritsinerit. Aasaanerani angallannerpaaffik, tassa juunimiit septembarimut, misissuiffigissallugu qinerparput ukiut arlerlugit piffissami tassani Kujataani takornariat 94,9%-ii tikittarmata.

Kujataani angallanneq Kalaallit Nunaanni nunap immikkoortuini allani angallannermut assinguvoq, nunap immikkoortuani ataatsimik mittarfeqarmat. Nunap immikkoortuani sumiiffinnut allanut ingerlaqqilluni angallassinerit qulimiguulimmik, umiatsiamik imaluunniit nunakkut angallatinik ingerlanneqartarput (kingullermi taasami taamaallaat Narsarsuup Tunulliarfiullu Kangerluani Qassarsuup akornanni). Ullumikkut nunaqarfik Narsarsuaq taamaallaat timmisartunut suluusalinnut mittarfeqarpoq. Qaqortumi mittarfiup ammarnissaata tungaanut Narsarsuaq nunap iluani nunallu tamalaat akornanni timmisartukkut angallannermi nunap immikkoortuani qitiusutut inissisimavoq.

Qaqortoq Kalaallit Nunaanni umiarsuit takornariartaatit ornigartarfiisa annersaannut ilaavoq, Kujataanilu takornariat amerlanersaat umiarsuarni takornariartaatini ilaasutut sumiiffimmuut tikittarput. Taamaattumik immikkoortoq taanna misissuinermit ilanngunneqarpoq, piginnaassutsimimmi annertuumik artorsiinnaammat. Umiarsuarmik takornariaqarnermi nunakkut takornariaqarnermut naleqqiullugu unnuiffissat atorneqanginnerupput, kisianni neriniarfissat aamma angallassinerit/misigisassarsioritsinerit iluini pisinnaassuseqarnermut annertuumik sunniuteqarput.

Angallassinernut/misigisassarsioritsinernut tunngatillugu pisinnaassutsinik annertusaanissaq naliginnaasumik ajornannginneruvoq, tunngaviusumimmi misigisassanik takornariat qanoq annertutigisunik akiliinissaminnut piomassuseqartiginersut apeqqutaaginnarpoq. Tamatumunnga assersuut ilisimaneqarluortoq tassaavoq illoqarfimmi takornariatitsineq, tassani najukkami takornariatitsisoq illoqarfiup oqaluttuassartaanik, kulturianik, ileqqutoqqanik, inuup nammineq oqaluttuassaataanik il.il. oqaluttuarsinnaavoq. Taamaalillutik misigisassarsiornermi piginnaassutsit pisariaqartinneqartut tassaaginnarput logistikki aamma takornariatitsisoq ataaseq.



3 Inerniliineq

Qaqortumi pisinnaassutsimik misissuinerup uuma takutippaa, takornariaqarnerup ukiumut 5%-imik, 10%-imik aamma 15%-imik ineriartornissaa naatsorsuutigineqartoq 2026-imiit 2031-ip tungaanut unnisarfiit pioreersut atorlugit periarfissaasoq, annertunerusumilluunniit annertusaasoqanngikkaluarpat.

Illuatungaatigut neriniartarfiit aamma angallassinert/misigisassarsiortitsinerit iluini pisinnaassuttip ingerlaavartumik annertusarneqarnissaa pisariaqarpoq. Unamillernarnerpaassaaq sulisussanik naammattunik qulakkeerinninnissaq, pingaartumik neriniartarfinni.

Qaqortumi mittarfiup ammarneqarneratigut Qaqortumut tikinneqarsinnaaneq arlalitsigut malunnaatilimmik pitsanngorsarneqassasoq naatsorsuutigineqarsinnaavoq. Nunanut/nit allanut/nit timmisartuussinernut ilaasut sumiiffimmi qitiusunut kiisalu sumiiffimmi illoqarfimmut annerpaamut, neriniartarfinnik assigiingisitaarnerusunik aammalu angallassinernik/misigisassarsiortitsinerik neqerooruteqartunut ajornannginnerusumik tikissinnaalissapput. Inissisimaneq taanna aammattaaq nunap immikkoortuani angalaffissanut allanut, soorlu kujammut Nanortalimmut, Tasermiut Kangerluanut Kap Farvelimullu, kiisalu avannamut Tunulliarfiup Kangerluanut UNESCO-llu nunarsuarmi kingornussassatut allattorsimaffianiittumut tikissinnaanissaannut pitsanngorsaataassaaq. Nunap iluani timmisartuussinernut tunngatillugu Nuummum/miit ullut tamaasa attaviit amerlanerusut 'feeder flights'-it atulerneqarnissaat naatsorsuutigineqarpoq, atlantikup avannaani, Amerika Avannarlermut Europamullu attaviit pitsaannerusut pilersinniarlugit. Tamanna ataatsimut isigalugu Qaqortumi Kujataanilu takornariaqarnerup annertusiarturneranut iluaqutaanissaa naatsorsuutigineqarpoq. Pingaartumik Islandimut nunat tamalaat akornanni toqqaannartumik attaveqarneq Qaqortumi eqqaanilu takornariaqarnerup ineriartortinnissaanut suli annertuumik pingaaruteqartussaavoq.





4 Qaqortumi takornarianik qanoq amerlatigisunik sullissisinaanermik erseqqissaaneq

4.1 Unnuiffissat amerlassusiat

Qaqortumi mittarfiup ammarneqarnerani Qaqortumi unnuiffissat minnerpaamik tassaassapput akunnittarfik ataaseq, vandrehjemmit marluk, akunnittarfiit inissiat pingasut kiisalu mittarfissap eqqaani illuaqqanik attartuisoq ataaseq. Tamatuma saniatigut allanik suliniuteqartoqarsinnaavoq sulii nalunaarutigineqanngitsunik. Misissuinermini uani illoqarfinni nunaqarfinnilu qanittuni soorlu Narsami Igalikumilu unnuiffissat ilanngunneqanngillat, taakkununnigami/ninnga angallassisinnaassuseq apeqqutaammat.

Kategori	Placering	Antal værelser	Antal senge
Hoteller	Qaqortoq by	47	59
Hotellejligheder	Qaqortoq by	33	64
Vandrehjem	Qaqortoq by	47	78
Hytter	Qaqortoq by	20	40
Samlet kapacitet (Qaqortoq by) 2026		147	241

Figur 1: Fordeling af overnatningskapacitet i Qaqortoq




4.1.1 Kujataani ukiup ingerlanerani pisartut maluginiarnartut

Takussutissiami 2-mi ataaniittumi takuneqarsinnaavoq takornariat Kujataanut tikeraartartut amerlanersaat juunimiit septembarimut aasaanerani angalaffiunerpaaffiusumi qaammatini sisamani tikittartut. 2022-mi Kujataani aasaanerani unnisarfinni tikeraat, takornarianut tamanut naleqqiullugit 94,9%-iupput, 2023-milu nunanit allanit tikeraanut tamanut naleqqiullugit 89,6%-iullutik.

Kalaallit Nunaanni sumiiffiit allat amerlanersaat assignagit, Kalaallit Nunaata Kujataani 2022-mi 2023-milu unnisut Kalaallit Nunaanni najugallit (uani nunap iluani takornarianik taaneqartartut) nunanit allanit (takornarianik) amerlanerusimapput. Tamatumunnga pequtaavoq Kujataata, ingammik Covid-19-ip tunillaassunnerata kingorna, kalaallinut innuttaasunut aasaanerani feeriarfissatut immikkut nuannarineqalersimanera. Takussutissiaq 2 ataani takuuk.

MALUGIUK: Kalaallit Nunaanni Naatsorsueqqissaartarfik nunap immikkoortuinut tamanut paasissutissanik - illoqarfinnut ataasiakkaanut tunngangitsunik - taamaallaat saqqummiussinnaavoq. Tamatuma saniatigut unnuiffissat pillugit paasissutissat, unnuiffissat affaata missaanniit taamaallaat katersorneqarsimapput (siniffiit amerlassusaat uuttortarneqarlutik). Kalaallit Nunaanni akunnittarfiit pingaarnertut Kalaallit Nunaanni Naatsorsueqqissaartarfimmu paasissutissanik nalunaaruteqartarput. Unnuiffissat minnerusut amerlanersaat nalunaarutitinnit tunniussineq ajorput.



Figur 2: Gæster på overnatningssteder i Kujalleq kommune 2022 og 2023




4.1.2 Kujataani Pisinnaassutsimik atuineq

Takusutissiami 3-mi ataaniittumi takuneqarsinnaasutut 2023-mi unnuisut amerlanersaat, tassa 44,8%-ii aasaanerani juulip qaammataani unnuisimapput. Tamanna Kalaallit Nunaata nunap immikkoortuinut allanut sanilliullugu appasinnerpaavoq. Naleqqiussissagaanni Kalaallit Nunaata sinnerani agguaqatigiissillugu juulimi 2023-mi unnuisut 62,0%-imiissimapput, aggustimilu 2023-mi 68,8%-iullutik. Taamaattumik oqaatigineqarsinnaavoq ukiuni kingullerni Kujataani takornarianik tikisitsinnaaneq unammillernarsimammat, tamannalu ilaatigut angallannikkut atortulersuutit killeqarnerinik tikikkuminaannerinillu ilaatigut peqquteqarpoq.

Siullertut piffissat angallafluenerpaaffinngitsup nalaani nunani allanit Narsarsuarmut toqqaannartumik timmisartuussisoqartarneq ajorpoq. Taamaattoq 2023-mi 2024-milu Air Greenlandip Københavnip Narsarsuullu akornanni upernarnerani kiisalu immikkut ittumik juullilernerani ukiortaallu aallartinnerani sap. akunneranut ataasiaq toqqaannartumik attavik atulersippaa. Periarfissat taakku saniatigut aasaanerani takornariat avataaneersut nunap iluani attaveqaatit aqutugalugit angalasariaqartarput, tamannalu sivisunerullunilu akisuneruvoq.

Aappaattut Narsarsuarmiit ingerlaqqilluni angalanermi, soorlu Qaqortumut, Narsamut imaluunniit Nanortalimmut, qulimiguulimmik angallassineq imaluunniit umiatsiaararsorluni angalaneq pisariaqarpoq. Upernaakkut amerlanertigullu aasarnissaata tungaanut sumiiffimmi sikusarnerata illoqarfiit akornanni umiatsiaararsornissaq ajornakusoortissinnaasarpaa, taamaallunilu qulimiguulik Qaqortumiit/mut taamaallaat aqquassaasarluni.

Pissutsit tamakku isiginiassagaanni paasinarpoq Qaqortup Islandillu akornanni toqqaannartumik attaveqarnerup, Qaqortumi takornariaqarnermut qanoq pingaartiginera. Kissaatiginarpoq Qaqortumi mittarfiup ammarneqarnerata kingorna piumanninneq annertusiarporpat Qaqortup Islandillu akornanni ukioq kaajallallugu sap. ak. tamakkerlugit attaveqaatinik atulersitsisoqarnissaa. Taamaalisooqassappat nunanit tamalaanit Qaqortumut Kujataanullu takornarianeq ukioq kaajallallugu periarsissanngussagaluarpog, tamannalu Kujataani ukiup qanoq ilinera naapertorlugu takornariaqarneru inuussutissarsiuteqarnerlu ingerlanneqarsinnaalissapput, tamannalu piujuartitsinerulersitsissaaq.



Figur 3: Belægningsprocent på overnatningssteder i jun-sep 2023 i Sydgrønland



4.2 Neriniarfissat amerlassusiat

Qaqortumi illoqarfimmi ataatsimik neriniartarfeqarpoq, sisamanik caféqarluni, ataatsimik kantineqarluni ataatsimillu grillbareqarluni. Tamatuma saniatigut kantiinaqarpoq, taanna illoqarfiup unnuisarfiisa ilaanni unnuisartunut taamaallaat atugassiaavoq. Naak neriniartarfiup caféllu assigiingissusaat pillugit erseqqissumik nassuiaatissaqanngikkaluartoq, ilisarnaatit uku najoqqutassiatut atorneqarsinnaapput: neriniartarfiit nalinginnaasumik nerisassanik toqqagassatigut annertunerusunik neqerooruteqartarput, amerlanertigut à la cartemik nerisassiorput aammalu nalinginnaasumik kiffartuussisoqartarlutik. Caféni nerisassat toqqagassat killeqartarput, nalinginnaasumik ilumooraaaneq atorneqarneq ajorpoq kiffartuussisoqarnerlu ajorluni.

2024-mi pisinnaassutsit ullumikkut piumasaqaatinut naleqqussarneqarsimapput. Kisianni neriniartarfiit naapertorlugit piffissami takornariaqarnerpaaffimmi pisinnaassutsit ullormut procentialunnik annertusarneqarsinnaapput. Piffissami 2026-2031-mi ukiumut 5%-it sinnerlugit ineriartortoqarpat, ukiut arlaqanngitsut qaangiuppata pisinnaassutsip annertusarneqarnissaa pisariaqartinneqalissaaq, pingaartumik igaffimmi sulisut issiaviillu amerlassusaat eqqarsaatigalugit.

Aammattaaq maluginiarneqartariaqarpoq 2024-mi Qaqortumi aasaanerani umiarsuarnik takornariartaatit 65-it tulattut nalunaarsorneqarsimmata. Aggustimi ullut tamaasa tulattoqartarpoq, ilaatigullu ullormi ataatsimi arlalinnik tulattoqartarluni. Umiarsuarnik takornariat neriniartarfinni pisinnaassutsit annertussusaannut sunniuteqartarput, naak ilaatigut kaffimik taamaallaat inniminniisaraluarlutik. Taamaattumik pisinnaassutsimut tunngatillugu pilersarusiornermi ilanngunneqartussaapput. Nioqqutissanik ineriartortitsinermi illuaqqajaaneq annertusartortoq tassaavoq, umiarsuit takornariartaatit tulakkaangata neriniartarfiit piffissap ilaani innuttaasunut matuneqartarnerat. Taarsiullugu immikkut ittumik "Greenlandic Tasting"-imik neqerooruteqartarput, neriniartarfiit piffinni taakkunani pisinnaassusaat tamakkiisumik atorluarneqarnissaat qulakkearniarlugu.

Kategori	Siddepladser	Max kuverter/dag
Restaurant	130	575
Caféer i alt (inkl. take-away)	130	975
Kantine	60	120
Samlet kapacitet i Qaqortoq by	320	1.670

Figur 4: BESPISNINGSKAPACITET I QAQORTOQ



4.3 Angallassinerit/misigisassarsioritsinerit amerlassusiat

Qaortumi takornariaqarnermik ingerlatsisut 17-iupput, ornigartarfiillu arfiniliullutik, ullormut inuit katillugit 4.713-it inissaqartinneqarsinnaallutik.

Takornarialerisut taama amerlatigisut siunissami umiatsiamik angallassisarnermik neqeroorteqarsinnaassappata, Qaortumi umiatsiaararsortut peqatigiiffianni unnuakkut talittarfissanik amerlanerusunik pisariaqartitsisoqassaaq. Massakorpiaq Qaortumi umiatsiaararsortut peqatigiiffianni inissat aalajangersimasut 144-t tamarmik atorpeqarput utaqqisoqarlunilu. Umiarsualivik sisamanik puttasoqarpoq, taakkulu ajornangitsumik akikitsumillu annertusarneqarsinnaapput. Taamaattumik naatsorsuutigineqarpoq ukiumut 10%-i angullugu ineriartortoqarnerani pisinnaassutsit malinnaassinnaassasut. Ineriartorneq annertunerussappat umiatsianut inissat naammatsisarnissaat ajornartorsiutaasinnaavoq.

Aammattaaq umiarsualivimmi ilaasunik tigusisarnissamut niutitsisarnissamullu pontoninik amerlanerusunik pisariaqartitsisoqassaaq. Umiarsuit takornariartaatit tikittarneranni umiarsuaq takornariartaat Kongebromik, tassa Qaortup umiarsualiviani pontonimik kisermaassilluni atuisinnaatitaasarpog. Taamaattumik umiatsiat takornariartaatit aaqqiissutinik allanik nassaarniartariaqartarput, amerlanertigut umiarsualivimmi puttasoqanngitsumi, tamannalu unammillernartarpoq, ingammik tinissimagaangat ulissimagaangalluunniit.

Umiatsiamik angalaarnermut taarsiullugu misigisassanik allanik ineriartortitsisoqarsinnaavoq, umiatsiaararsornermik pisariaqartitsinngitsunik. Soorlu pisuttuarneq, aqqusinermi angalaarneq, cykelerneq, ATV-mik angalaarneq assingusunillu sammisasaqartitsineq.

2024-mi nioquttissiorneq ullumikkut piumasaqaatinut naleqqussarneqarsimavoq. Piffissami 2026-2031-mi ukiumut 5%-it sinnerlugit ineriartortoqarpat ukiut arlaqanngitsut qaangiuppata pisinnaassuseqarnerup annertusarneqarnissaa pisariaqartinneqalissaaq. Qaortumi takornarialerisut 17-it akornanni 11-it umiatsiamik takornariartitsisarnermik neqeroorteqarput. Soorlu qulaani eqqaaneqartoq, aasaanerani takornariaqarluarnerup nalaani umiarsuarnik takornariartartut piumasaqaataat annertusarpoq, taakkulu illoqarfimmiinnerat takornarialerisut pisinnaassusaannik tigusingaatsiartarpoq, ingammik umiatsiamik angalatitsisartut akornanni.

Kategori	Max. antal kunder/dag i sommerhøjsæson
Ture/oplevelser	4.383
Venues	649
Samlet kapacitet	5.032

Figur 5: Kapacitet på ture/oplevelser og venues i Qaortoq



5 Jun-sep 2024-2025-mi angallassinerit ingerlanerat

5.1 Timmisartuq/qulimiguulik atorlugu angallannerup ingerlanera

Aasaanerani angallaffiunerpaaffiusumi marlungornerit tassaapput, sap. akunnerani nunani allaniit Narsarsuarmut toqqaannartumik tikittartut amerlanerpaaffiat. Ualip tungaani Air Greenlandip timmisartua Københavnimeersoq 140-nik ilaasoqarsinnaasoq mittarpoq, kingusinnerusukkullu Icelandairip timmisartua DHC-8-400 Reykjavikimeersoq 74-inik ilaasoqarsinnaasoq mittarluni. Katillugit marlungornermi ataatsimi ilaasut 177-it tikillugit tikissinnaasarput.

Aasaanerani angallaffiunerpaasumi sisamangornerni Air Greenlandip timmisartua Københavnimeersoq 140-nik ilaasoqarsinnaasoq mittarpoq, arfiningornikkullu Icelandairip timmisartua DHC-8-400 Reykjavikimeersoq 74-inik ilaasoqarsinnaasoq mittarluni. Ataatsimut isigalugu ilaasut 428-t tikillugit aasaanerani angallaffiunerpaaffiusumi sapaatit akunnerni tamani nunani allaniit toqqaannartumik Narsarsuarmut mittarput.

Ullut amerlanersaat aasaanerani timmisartuq Air Greenland DHC-8-200 (37 pax) Nuummiit mittarpoq. Misissuineri uani ilimagineqarpoq Nuummiit angalasut amerlanerpaartaat Kalaallit Nunaanni innuttaassuseqartut imaluunniit Kujataani ornitassanut allanut ingerlaqqittussat. Nunap iluani angalanerni nuna najugaqarfik nalunaarsorneqarneq ajormat, nalunaarsuutit atorlugit naatsorsuut tamanna eqqortuunersoq uppersarneqarsinnaanngilaq.

Aasaanerani Narsarsuarmiit Qaqortumut Air Greenland aqutugalugu ullormut minnerpaamik marlunnik qulimiguulimmik timmisartuussisoqartarpoq. Qulimiguulik ataaseq qulinik ilaasoqarsinnaavoq. Ilaasut taakku qanoq amerlatigisut takornariaanersut paasissutissaqanngilaq, nunap iluani angalanerni nuna najugaqarfik nalunaarsorneqarneq ajormat.

Ukiuni kingullerni piffissami junimiit septembarimut Narsarsuaq aqqusaarlugu Kalaallit Nunaata avataanut angalasut agguaqatigiissillugit 70%-iisa missaat, nunani allaninggaanneersuupput (takornariat).



5.2 Imaatigut angallannerup ingerlaarnera

5.2.1 Disko Line

Aasaanerani angallaffiunerpaami Disko Line Narsarsuup Qaqortullu akornanni ullormut 2-4-riarlutik ataasinngornermi, pingasunngornermi tallimannngornermilu Targa 37-imik (12 pax) angallassisarpoq. Ukiakkut aqqummi tassani umiatsiat Targat Disko Linep umiarsuaanit sisammik sanaanit 60-inik ilaasoqarsinnaasunit taarserneqartarput. Disko Linep umiarsuaa nutaaq Malina 2024-p ukiaani marlunggornermi pingasunngornermilu atorreqarsinnaalernissaa naatsorsuutigineqarpoq. Malina 113-inik ilaasoqarsinnaavoq. Takornariaqarnermik ingerlatsiviup Disko Linep ataaniittup Blue Ice Explorerip, umiatsiaq Targa 37 (12 pax) imaluunniit Targa 25 (6 pax) atortarpaat.

5.2.2 Air Greenland

Air Greenlandip Narsarsuup Qaqortullu akornanni ullut tamaasa umiatsianik angallassinertit arlallit ingerlattarpei, Air Greenland DHC-8-200 Narsarsuarmut mittarpoq. Angallassinertit taakku Air Greenlandip ataani sumiiffinni angallassisut (Polar-Tut Narsarsuaq aamma South Greenland Boat Charter 44) ingerlanneqartarput, taakku angallassinermi ataatsimi arfinilinnut 12-inullu inissaqarput.

5.2.3 Arctic Umiaq Line

Piffissami juuni-septembarimi Arctic Umiaq Linep umiarsuaa Sarfaq Ittuk qaammammut marloriarlunisamariarluniQaqortumut tikittarpoq. Umiarsuaq 249-inik inissaqarpoq, taamaalilluni aqqummi tassani qaammammut takornarianut 996-inut inissaqarluni. Arctic Umiaq Linep nunamik najukkamik nalunaarsuineq ajorpoq, oqaatigaluguli ilaasut amerlanersaat Kalaallit Nunaanni innuttaassuseqarmata.





5.3 Jun-sep 2024-2025-mi imaatigut angallassinerit katillugit ingerlanerat

Aasaanerani sap. akunneranut Qaqortumut nunakkut takornariat qanoq amerlatigisut tikittarnersut naatsorsorniarlugu, timmisartukkut Narsarsuarmut angallanneq, imaatigut ilaasut ingerlaernerat aamma Kujataani nunap immikkoortuani tikeraat pillugit paasissutissat ataatsimut atorneqarput. Kalaallit Nunaanni Naatsorsueqqissaartarfik nunap immikkoortuani unnuisarnerit pillugit paasissutissanik saqqummiussisangimmat, naatsorsuinerit pisariaqartinneqarput.

Kalaallit Nunaata Kujataani unnuisarfiit pisinnaassuaasa pingajorarterutaat Qaqortumiippit, naatsorsuineri siniffiit amerlassusaat tunngavigineqarlutik. Pulaartut unnuinerillu amerlassusaat pillugit paasissutissat affaat missaat (nunami suminngaanneereri malillugit agguataarneqartut) Kalaallit Nunaanni Naatsorsueqqissaartarfimmut tunniunneqartarput Paasissutissat taakku bank.stat.gl/tudhot-imi takuneqarsinnaapput.

2023-mi juuni-septembarimi Kujataani unnuisarfinni paasissutissanik nalunaarsuisartuni tikeraat nunani allaneersut agguaqatigiissillugit 240-t unnuisimapput. Taakku nalunaarsorneqarsimasut saniatigut, takornariat arlalippassui unnuisarfinni paasissutissanik nalunaarsuineq ajortuni, inuinnarni imaluunniit pinngortitami tammaarlutik unnuisarput.

Qaqortumi piffissami juni-septembarimi 2024-mi 2025-imilu, nunakkut takornariaqarnerup (umiarsuarmik angalanerit minillugit) amerlassusaannik naatsorsuutigineqarpoq sap. ak. takornariat 300-t.





6 Qaortumi 2026-mi mittarfiup ammarneqarnissaa

Qaortumi nunanit allanit mittarfimmik nutaamik sanaartortitsisup Greenland Airportsip naatsorsuutigaa, mittarfiup marsimi 2026-mi ammarneqarnissaa.

Qaortumi mittarfik ammarneqarnermigut nunap immikkoortuinut isaaffittut Narsarsuaq taarsissavaa, taannalu kingorna qulimiguulinnut mittarfinngussalluni. Mittarfik nutaaq minnerpaamik Nuummiit Air Greenlandimit aamma Islandiimit Icelandairimit angallassisoqartassaaq.

Naak suli angalanissamut pilersaarutit suliarineqanngikkaluartut, Air Greenlandip nalunaarutigaa Nuuk-Qaortullu aqqaataani “double daily” (ullormut marloriaq) taasartakkaminnik ingerlatsisarnissartik pilersaarutigillugu. Taamaalillutik ullormut marloriarlutik aasaanerani DHC-8-200-mik (37 pax) timmisartuussisassapput, sapaatip akunneranut 14-inik timmisartuussisassallutik katillugillu 518-inik ilaasoqartassallutik. Ilaasut taakku ilaat Kujataani angalaffinnut allanut ingerlaqqittarnissaat naatsorsuutigineqarpoq.

Icelandairip nalunaarutigaa minnerpaamik 2024-2025-imi amerlassutsinut naapertuuttumik angalasoqartarnissaa (sapaatip akunnerani marloriarlutik DHC-8-400-mik 74-inik ilaasoqarsinnaasumik), tassa timmisartumut sap. ak. 148-nik ilaasoqarsinnaallutik.

6.1 Aasaanerani 2026-miit pisinnaassuseq

Narsarsuarmi mittarfik heliportinngortinneqarpat Air Greenlandip attartorsimasaa Boeing 737 (140 pax) atorlugu Københavnip Narsarsuullu akornanni toqqaannartumik angallanneq unitsinneqassaaq. Peqqutigalugu timmisartut jetit, JetTimep Boeing 737-itut ittut Qaortumi timmisartoqarfik (1.499 m) miffigisinnaangimmassuk.

Air Greenlandip naatsorsuutigaa Nuup Qaortullu akornanni DHC-8-200-mik (37 pax) timmisartuussisarnernik ilanngussinikkut aasaanerani København-Narsarsuarmi sap. ak. marloriarlutik timmisartuussisarnernit annaaneqartut Boeing 737-iminnik (140 pax) taarsersinnaallugit, taamaalillutik sap. ak. 518-nik ilaasoqarsinnaallutik.

Icelandairip naatsorsuutigaa sap. ak. marloriarlutik 74-pax DHC-8-400-mik angallassisarnissaaq ingerlateqqissallugu, tassa sap. ak. min. 148 pax.

Misissuineri ineriartornermut naatsorsuutigisani pingasuni, 2024/2025-imi aasaanerani sap. ak. ilaasut amerlassusaat tunngavigineqarput, tamannalu 2024-miit 2026-ip tungaanut ineriartornerup inissisimaneranik takutitsivoq.



6.2 Kujataani Nunap Immikkoortuani qitiusoqarfik nutaaq

Qaqortumi mittarfik ammarpat Qaqortoq Kujataani qitiusoqarfiulissaaq. Taamanikkussamut timmisartunut aalajangersimasunut (DHC-8-200 imaluunniit DHC-8-400) kisiartaalluni mittarfiussaaq, Narsarsuarmi heliportinngortinneqassamat. Illoqarfiup avataani mittarfeqanngitsut suli qulimiguulimmik umiarsuarmillu kiffartuunneqassapput, soorlu ullumikkut taamaattoq.

Tamanna unnuisarfinnik pisariaqartitsinermut sunniuteqassaaq, aqqusaartummi unittooqqasinnaapput. Tamanna silarlunneranik, ukiup ilaani sikoqarneranik imaluunniit qulimiguulimmik angallassinermi teknikkikkut ajornartorsiutinik tunngaveqarsinnaavoq.

Suli nalunarpog aqqusaartut agguaqatigiissillugu sap. ak. qanoq annertutigisumik unnuisarfiit pisinnaassusaannut sunniuteqassanersoq. Kisiannili pisariaqartitsinerpaaffimmi pisariaqartitsineq, aasaanerani ullormi aalajangersimasumi Kujataani angalaffinnut allanut ingerlaqqittariaqartunut ilaasut amerlassusaannut naapertuussinnaavoq, tassami ajornerpaamik pisoqassapput tamarmik Qaqortumi unittooqqasinnaapput.



6.3 Timmisartumut billetsinut akit allangortinneqarsinnaanerit, ineriartorsinnaaneq

Rambøll naapertorlugu Kalaallit Nunaanni timmisartumut billetsinut akinik allanguisinnaatitaaneq -3,2-mik naatsorsorneqarpoq. Tamanna isumaqarpoq akinik 25%-imik appaaneq piupaneqarnerup 80%-imik qaffanneranik kinguneqarsinnaasoq.

Qaortumi mittarfik ammarpat ilaasut Qaortup Islandillu akornanni Icelandairi aqutugalugu toqqaannartumik timmisartorsinnaalissapput. Tamanna mittarfimmiit/mut angalanermi umiatsiamik qulimiguulimillunniit angalanissaq pisariaarussaaq. Tamanna teorii naapertorlugu Qaortup Islandillu akornanni angalasunut billetsinik akikinnerulersitsissaaq. Icelandair DHC-8-400-mut, DHC-8-200-mit ullumikkut atortakkaminnit marloriaammik amerlanerusunik ilaasoqarsinnaasumut qaffaappat, ilaasumut ataatsimut ingerlatsinermut aningaasartuutit appassapput. DHC-8-200-mut, affaannarnik inissalimmut sanillitussagaanni inuttat amerlassusaat taamaaginnassaaq, orsussamillu atuineq annikitsumik annerulaaginnarluni.

Aammattaq Islandip Qaortullu akornanni angalasut marsip 2026-ip kingorna qulimiguulimmik umiarsuarmillunniit angallassinermut aningaasartuuteqassanngillat. Islandip Qaortullu akornanni aqqummut pisinnaassuseqarnerup annertusinera, akulikillinerunera aammalu annertunerusumik ataavannerunera piupaneqarneranik annertusaasinnaapput. Angalanissamut pilersaarusionerq tamatigoornerusooq ilaasunut aqqummik taassuminnga toqqaanissaannut pilerinarnerulersitsisinnaavortaaq. Akit allangorarsinnaanerit -3,2-miittoq naapertorlugu 5%-imik akinik appaanermi piupaneqarnerq 16%-imik qaffassinnaavoq, 10%-imik appaanermi piupaneqarnerq 32%-imik qaffassinnaalluni.

Nalilerneqarpoq Islandip Qaortullu akornanni aqutip piupaneqarnerata, billetsit akiisa allangoriartornerat apequtaatinnagu annertusiartornissaat. Naatsorsuutigineqarportaaq angalasartunut, angalanissamut piffissaq sivikinnerusooq aamma/imaluunniit nunanut allanut toqqaannartumik attaveqarnerq akimiit pingartinneqarnerunissaa. Naatsorsuummi tassani takornariat najukkamilu innuttaasut ilanngunneqarput. Ilanngullugu naatsorsuutigineqarpoq 2026 sioqqullugu nunat tamalaat akornanni toqqaannartumik timmisartuussisinnanermut marlunnik periarfissaasimasooq, 2026-p kingorna ataatsimik taamaallaat periarfissaqarnissaa.



6.3.1 Nuup Qaqortullu akornanni angalanermut akinik allannguneq

Qaqortumi mittarfik ammarpat Nuup Qaqortullu akornanni angalaneq sivikinnerulerlunilu ilaasunut ajornanginnerullissaaq, Narsarsuummi Qaqortullu akornanni qulimiguulimmik umiarsuarmilluunniit angallassineq pisariaqarunnaarluni toqqaannartumik timmisartuussisoqartalissaaq. Taamanikkussamut toqqaannartumik timmisartuussisoqartassammat Narsarsuup Qaqortullu akornanni ilassutitut qulimiguulimmik timmisartuussisoqartariaqarani imaluunniit umiarsuarmik angallassisoqartariaqarani, misissuinermi uani naatsorsuutigineqarpoq Nuup Qaqortullu akornanni akip tamarmiusup akikinnerulernissaa. Kisianni Air Greenlandip ullumikkut tamanna uppersarsinnaanngilaa, Nuuk-Qaqortumut piffissaliussanik akinulluunniit aaqqissutissanik sulii piareersaasimannnginnamik.

2024-mi Nuup Narsarsuullu akornanni timmisartumut billetsii ataaseq 4.200 koruunit miss. akeqarpoq, Narsarsuup Qaqortullu akornanni qulimiguulimmik ataatsimut billetsii 1.200 kr. miss. akeqarluni. (umiatsiamik angallassineq akikinnerularpoq). Nuup Narsarsuullu akornanni timmisartumut akit allanngunngikkaluarpataluunniit Qaqortup Nuullu akornanni angalanermi aki tamarmiusoq 20%-it miss. annikillissaaq. Nuup Qaqortullu akornanni akikinnerusumik timmisartuussisoqarnissaanik naatsorsuut ilumoorpat angalaneq tamaat sulii akikinnerulersinnaavoq.

Akikillisaanerit tamakku pingaarnertut kalaallinit angalasartunit soqutigineqassasut ilimagineqarpoq, takornariarpassuimmi Nuup Kujataatalu akornanni angalasartut amerlanertigut ornigarfinnik arlalinnik, soorlu Narsarsuarmut, Qassarsuummut, Igalikumut, Narsamut Nanortalimmullu angalasarmata, ingammik aasaanerani angalaffiunerpaaffiusumi. Tamatuma saniatigut Kujataani takornariat amerlanerpaat Nuuk aqqusaarnagu, Islandili aqqusaarlugu toqqaannartumik angalasarpur.

7 Umiarsuarmik takornariaqarnerup sunniutaa



Qaqortoq Kalaallit Nunaanni umiarsuarnik takornariartaatinik angallassisartunut ornitassani annerpaanut ilaavoq, kisitsisillu takutippaat immikkoortoq taanna nunap immikkoortuani malunnaatilimmik ineriartortoq, ingammik COVID-19-imik tunillaassuunnerup kingorna. Umiarsuarmik takornariat neriniartarfinni issiasarput takornariarnerrillu pisisarlutik. Takornariat Kujataani amerlanerpaartaat umiarsuarmik takornariaapput, taamaattumik misissuinnermut ilanngunneqarput.

Nunap assinga isigissagaanni Kujataa tassaavoq atlantikoq akimorlugu Kalaallit Nunaannut angalanerni tikikkuminarnerpaaq. Taamaalluni Amerikap Avannarliup Europallu akornanni Kalaallit Nunaanni sumiiffinni arlalinni umiarsuit tikittarnissaanut ajornaannerulersitsivoq. Visit Greenlandip takornariaqarnermut kisitsisitigut nalunaarusiaa 2023-meersoq naapertorlugu, Kujataani umiarsuarmik angalasut ukiup siulianut sanilliullugit 85%-imik amerleriarisimapput. Qaqortumi ineriartorneq 70%-iuvoq. Katillugit 2023-mi umiarsuarmik takornariat 47.000-it missaanniittut Kujataanut tikissimapput, 2024-milu piupmaneqarneq talinnerillu nalunaarsorneqarsimasut tunngavigalugit amerlassutsit suli qaffannissaat naatsorsuutigineqarpoq.

Ukiuumut Kujataani nunakkut takornarianut 5.000-it missaanniittunut sanilliullugu, umiarsuarnik takornariat nunap immikkoortuani takornariaqarnerup tamarmiusup 90%-iisa missaanniipput. Taamaattumik taakku pisinnaassutsimik misissuinnermi ilanngunneqarnissaat pisiaaqarpoq, pingaartumik neriniartarfinnut takornariarnerrullu/misigisasarsionnermut tunngatillugu.

Naak umiarsuarnik takornariat talinnerminni annikitsunik pisisarluartut, illoqarfimmi malunnaataalluarterput. Visit Greenlandip nalunaarusiaa "Nunanit allanit takornariaqarnerup nunatsinni aningaasarsionnikkut pingaaruteqassusaa" 2024-meersoq naapertorlugu, umiarsuarmik takornariaq nalinginnaasoq ataaseq agguaqatigiissillugu, "unnuinnermut neriniartarfinnullu" 360 kuruuninik atuisarpoq. Naak atuineq annikkaluartoq sumiiffimmi inuiaqatigiinnut annertuumik sunniuteqartarput: aasaanerani aqquserngit inuppassuarnik ulikkaartarput, umiarsuarlu takornariartaat tulassimagaangat cafémi nerrivimmik nassaarnissaq ajornakusoorsinnaasarpoq. Najukkami innuttaasunut aamma nunakkut takornarianut.

Neriniartarfinnut ineriartortitsinnermi periusissiaq alla tassaasimavoq umiarsuarnik takornarianut immikkut ittumik neqeroorusiornissaq, ass. *Greenlandic Tastings*. Tassani takornariat kalaallit nerisassaataannik misiliisinaapput immaqalu immiamik imaluunniit kaagimik ilallugu. Misigisassat taakku umiarsuarmik takornarianut kajumissaarisarput kiisalu neriniartarfiit takornariaqarnermillu ingerlatsisut tamarmik pisinnaassusaannik atorluasaarlutik.

Umiarsuarmik takornariat aamma nunami imaanilu angalaarnernik pisinermi takornariartitsisartuni pisinnaassutsimik atuisarput. Nunami illoqarfimmi angalaarnerit illoqarfiullu eqqaani sivisuumik pisuttuarnerit nuannarineqarluarterput, imaanilu angalaarnerni Qaqortup eqqaani takornariarfissanut umiatsiamik sukkasuumik angalaarnerit ilaatinneqartarlutik. Assersuutigalugu ornigassat tassaasinaapput Narsap avannaani sermersuaq, Upernaviarsummi Misissuisarfik aamma Qaqortukuluoq UNESCO-p nunarsuarmioqatigiinnut kingornussassanut ilaasoq.

Umiarsuit angallassisartut nalinginnaasumik siusissukkat tulannissartik nalunaarsortarpaat – amerlanertigut ukioq ataaseq sinnerluguluunniit siqqullugu – taamaattumillu takornariaqarnermik ingerlatsisut tamarmik ilimagisinnaavaat, ulluni tulaffiusuni tamakkiisumik inniminniisqartarnissaa. Taamaallutik tikeraat allat - nunakkut takornariat najukkamilu najugallit inissaqartinneqarneq ajorput.



8 Ilimagisinnaasat pingasut

Qaqortumi mittarfiup nutaap ammarneqarnerata kingorna ukiut siulliit tallimat ingerlanerini ineriartornermut ilimagisinnaasat pingasut atornissaat toqqarsimavarput. Ilimagisaq A tunngaviuvoq, tassani piffissami 2026-2031-mi agguaqatigiissillugu ukiumut 5%-imik siuariartorneq ilimagineqarpoq.

Piffissami 2015-2019-imi ukiumut agguaqatigiissillugu 2%-it missaanni ineriartortoqassaaq. Nuup Qaqortullu akornanni timmisartuussinermi akit appariartornissaat ilimanaateqarmat – akinillu allannguisinnaassuseq eqqarsaatigalugu – piffissami 2026-2031-mi ukiumut agguaqatigiissillugu 5%-imik qaffariartoqarnissaa ilimagineqarpoq. Ilimagisaq B tassaavoq piffissami tassani agguaqatigiissillugu ukiumut 10%-imik ineriartortoqarnissaa. Tassani piumasaqaataavoq Kujataata ornigassatut piumaneqarnermik aalajaatumik malunnartumillu qaffakkiartornissaa. Ilimagisaq C-mi piffissami 2026-2031-mi agguaqatigiissillugu ukiumut 15%-imik siuariartorneq ilimagineqarpoq. Tassani annertuumik ineriartortoqassaaq, tamannalu annertuumik ineriartorerup kingunerisassai takutinniarlugit ilanngunneqarpoq.






9 Ilimagisaasunut pingasunut takussutissiat

9.1 Ilimagisinnaasaq A: Ukiumut 5%-imik siuariartorneq 2026-2031

Ilimagisami uani 2026-2031-mi piffissami sumiluunniit inissaqartitsinerit amigartuunngillat. Indeksi 2026-imi pisinnaassuseq allanngunngilaq 2031-milu juulimi 63-inik inissaqarpoq.

9.1 Scenarie A: 5% årlig vækst 2026-2031





Figur 6: Scenarie A



9.2 Ilimagisinnaasaq B: Ukiumut 10%-imik siuariartorneq 2026-2031

9.3 Ilimagisinnaasaq C: Ukiumut 15%-imik siuariartorneq 2026-2031



Figur 7: Scenarie B

Figur 8: Scenarie C

Ilimagisami uani 2026-2031-mi piffissami sumiluunniit inissaqartitsinerit amigartuunngillat. Indeksi 2026-imi pisinnaassuseq allanngunngilaq 2031-milu juulimi 41-inik inissaqarpoq.

Ilimagisami uani 2026-2031-mi piffissami sumiluunniit inissaqartitsinerit amigartuunngillat. Indeksi 2026-imi pisinnaassuseq allanngunngilaq 2031-milu juulimi 14-inik inissaqarpoq.



10 Eqikkaaneq

10.1 Eqikkaaneq oqallissutissamillu saqqummiussineq

Takornariat aasaanerani Qaqortumut tikittartut amerlassusaat piffissami 2026-2031-mi agguaqatigiissillugu ukiumut 5%-imik, 10%-imik aamma 15%-imik ineriartorput, tassa imaappoq Qaqortumi nunanut allanut mittarfiup nutaap ammarneqarneraniit ukiut siulliit tallimat naammattunik unnuisarfinni inissaqartitsisoqassaaq. Tamanna aamma atuutissaaq 2024-p qeqqani inissaqartitsineranut naleqqiullugu piffissami tassani allangortitsisoqangikkaluarpalluunniit.

Neriniartarfiit takornariatitsinerit/misigisassarsiortitsinerit iluini pisinnaassuseqarnermut tunngatillugu nalilernerqarpoq, ullumikkut pisinnaassuseq ullumikkut piumanerqarnermut naleqqussarnerqarsimasoq. Tamanna isumaqarpoq piffissami 2026-2031-mi ukiumut 5%-imik, 10%-imik imaluunniit 15%-imik ineriartortoqassappat, tamatumunnga naapertuuttumik pisinnaassuseqarnerup annertusarnerqarnissaa pisariaqartinneqassaaq. Tamanna pisinnaasutut nalilernerqarpoq, kisianni unammilligassaq tassaavoq sulisussanik naammattunik piginnaasalinnik nassaarnissaaq. [Kalaallit Nunaanni Naatsorsueqgissaartarfik](#) naapertorlugu Qaqortumi suliffissaaleqineq 2022-mi 6,1 %-iuvoq, taamaattorli piffissami 2026-2031-mi ukiumut 5%-imik, 10%-imik aamma 15%-imik qaffariaateqarnissamut naammattunik sulisussaartoqassanersoq nalunarpoq. [Kalaallit Nunaanni Sulisitsisut](#) naatsorsuutigaat nuna tamakkerlugu sulisussanik 1.100-t missaanik amigaateqartoqartoq, taamaattumillu nunatsinni illoqarfinit allanit sulisussanik ilinniarsimasunik pissarsiniarnissaaq ajornakusoortoq. Campus Kujalleq Inuili Food Schoolilu tamarmik immikkut ilinniakkanik tikeraanik tiguisinnaanemut tunngasunik allagartartaarnissamut ilinniartitsinissamullu neqerooruteqarput. Ilinniakkat taakku takornariatitsinerimut imaluunniit tjenerit atorfintut pisinnaasanik qaffassaapput. Campus Kujallermi takornariaqarnermi ilinniartit pingasut – Arctic Guide, Adventure Guide aamma Serviceøkonomi – akornanni katillugit inuit 300-t missaanniittut pikkorissartinneqarsimapput. Kingumut qiviassagaanni ilinniakkani ataasiakkaani ilinniartut 15-it missaanniittarput, Adventure Guidelu nuannarineqarnerpaalluni.



VISIT GREENLAND

2024-mi suliarineqarpoq

